

樂山縣志卷之十

人物志

名臣 善行

宦業 隱逸

儒林 仙釋

忠義 列女

孝友

扶輿磅礴之氣融而為川結而為山既鍾且毓篤生
偉人嵩嶽之詠蓋不誣也嘉州山水鉅麗固宜代有
聞人其發於文章見於事業身植綱常力任斯道固
已炳炳麟麟照耀耳目而山林巖穴之士鄉黨州里
之子亦復能高尚其志好行其德有足多焉夫賢者
之行可法於天下可傳於後世彼都人士先民是程
典型斯在於以繼美前徽追踪芳躅古今人何遽不

樂山縣志

卷十

人物

一

相及哉至緇衲黃冠高言寂靜似無適於世用然以
點綴名區似未可概從闕畧若夫揚彤管之徽表松
筠之操為婦人女子所難能亦復類不絕書則信乎
秉質之殊也志人物

名臣

漢

費貽字奉君犍為南安縣人公孫述據蜀時漆身為癩
佯狂避世述破光武徵為合浦守蜀中歌之曰節義
主仁費奉君不事亂世不避惡君修身於蜀紀名亦

足後世爲大族

費詩字公舉犍爲郡南安縣人劉璋時爲綿竹令先主
攻綿竹迎降以爲督軍從事出守牂牁還爲州前部
司馬先主稱尊時詩上疏諫忤旨左遷部永昌從事
蔣琬秉政以爲諫議大夫卒於家自後益州諸費有
名位者多是詩之後也

晉

費立字建熙犍爲南安人詩之子也當時稱西州名士
與陳壽齊名察孝廉王國中尉出爲成都令入爲州

樂山縣志

卷十

名臣

二

大中正除巴西太守不就轉梁益寧三州都督兼尙
書值大駕西幸長安與大臣居守在洛加員外散騎
常侍封關內侯數辭州郡意在河秦汝顛永嘉六年
與子並歿於寇

費緝字文平犍爲南安人清檢有治幹舉秀才歷城令
涪陵太守後遷譙內史

宋

劉甲字師文其先東光人元祐宰相摯之後父著爲成
都令幕卒葬龍游因家焉甲淳熙初進士累官知興

元府利州路安撫使吳曦叛甲以大義拒之召赴行
在遷寶謨閣直學士甲晝所爲夜必書之名自監有
奏議十卷卒謚清惠

明

任敏字勉學嘉定州人年十九領鄉薦永樂間成進士
歷官山東廉使有骨鯁聲孫有齡釋褐翰林庶吉士
官至憲副

劉肅字敬之州人教授新之子龍泓寺東坡書院新所
築教肅及其弟節處也肅登成化進士授行人有清

樂山縣志

卷十

名臣

三

操冊封秦府却其私餽拜監察御史歷按江西湖廣
有以私怨中之者外轉副使又謫知黃州平蘄藩之
獄當事倚以爲重官終河南左布政使

童瑞字世奇其先健爲後籍舊州宏治中進士授戶
科給事積官至京兆尹敢言時弊論王衡李鸞獄疏
中貴矯取太倉銀兩悉治如法官至工部尙書

安磐字公石州人戶部主事佑之子宏治中進士改庶
吉士授兵科給事中乞假歸世宗卽位起故官遇事
敢言有直聲歷都給事中以議大禮率衆伏闕再受

杖除名卒於家萬歷初追贈太常少卿有願山集易
牘奏議草諸文集

徐文華字用先州人正德中進士授大理評事擢御史
巡按貴州苗亂偕巡撫討之破寨六百三十嘗疏救
胡世寧諫迎佛烏斯藏發馬昂納妊身女弟尋因論
事黜爲民嘉靖初起故官累遷至大理左少卿會議
大禮偕數大臣力爭張璫桂萼憾之李福達獄起中
以罪戍遼陽赦還至靜海卒隆慶初贈左僉都御史
初文華與同里都給事安磐侍御程啟充給事中彭

樂山縣志

卷十

名臣

四

汝寔爲友一時論蜀中人物四子稱首明史俱有傳
詳見藝文

程啟充字以道州人正德中進士除三原縣令入爲御
史首言嬖幸子弟家人有買功冒功寄名竄名併功
之弊又極陳冗官冗兵冗費之弊都督馬昂進妊身
女弟又力爭之皆不省以憂歸世宗卽位起故官出
按江西尋以忤張璫桂萼會郭勛庇李福達獄爲啟
充所劾璫萼因誣以挾私謫戍邊衛赦還居家置義
田以贍宗族捐家貲以培學宮州人于其側爲專祠

祀之隆慶初贈光祿寺少卿所著有西臺奏議初亭稿等集

彭汝寔字子充州人鏡之子正德中進士歷任南京吏科給事中嘉靖中敷陳時政得失又力爭大禮爲張璉桂萼等所惡奪職罷歸與程啓充徐文華安磐皆同里時稱嘉定四諫汝寔少孤以孝聞母憂廬墓三年罷官歸結廬山居教授後學所著有貂璫錄得山堂稿南中奏議諸書

張可述州人嘉靖中進士授咸寧令擢兵部主政僉憲

樂山縣志

卷十

名臣

五

浙江廉明耿介不阿權貴旋參藩貴州以忤鄢懋卿歸性至孝分產及從兄弟嫁孤女賑貧士賦閒幾三十年爲善於鄉絕無干請所著有梓里談資雲樵記王詠州人嘉靖中進士選庶吉士授御史歷官江西參議文學政事爲一時最子毓宗萬歷時亦成進士官至中允請告歸里鄉黨稱其有世德焉

楊展字玉梁州人崇禎中武科第三人及第授遊擊將軍升參將以憂歸張獻忠據成都掠嘉定改平定府置僞官以任元祐爲知府展初爲所掠逸歸得鎮標

卒數千人入犍爲擒其僞令元祐逃走遂取嘉定屢破獻忠兵次第恢復川南諸州邑永明王勅進總兵展又招復流亡各俾以業屯田於峩眉以贍師旅蜀南遺民皆賴之獻忠聞展兵勢甚盛大懼率兵十數萬裝金寶數千艘順流東下展逆戰於彭山縣之江口縱火燒沈其舟賊奔北士卒輜重喪亡幾盡展取所遺金寶以益軍儲復追賊於漢州不及封獻忠所殺蜀民骸骨而還永明王命晉封華陽伯是時展威名大振總帥樊一蘅及川中起義諸將皆倚以爲重

樂山縣志

卷十

名臣

宦業

六

偏沅巡撫李乾德怨展遇已疎畧會展生日使降賊袁韜武大定置宴於犍爲而刺之遂圍嘉定三月城陷妻陳氏死焉子璟新以親丁三百騎逃得免自是諸將解體人無固志獻忠餘孽乘閒入蜀又十餘年亂始定

宦業

漢

伍梁字德山南安人儒學雅尙州選迎牧諸葛亮爲功曹遷五官中郎將

楊彭字敬宗弟達字訓宗犍爲人各以德行稱同察孝廉彭比蘇令甘露降其縣達滇池令殊俗懷其德

宋

鄧嘉猷嘉州進士紹興末犍爲有蠻擾邊初莫知其爲何種族也已而有能別識其爲虛恨蠻者時蜀邊久無事旣去而朝廷憂之詔諸司經度嘉猷因撰西南備邊志時乾道中也

龔承薦龍游縣人常爲下湖南道政績頗著見湖南通志

樂山縣志

卷十

宦業

七

國朝

朱軫裔字三瞻舊州人敦天倫患難如一舉康熙己酉孝廉以景寧知縣陞南城正指揮入祀鄉賢官景寧時有政聲詩亦雅澹

朱曙蓀軫裔子康熙時進士授翰林出典廣西試歷官山西陝西提學轉通政司徒居成都老焉曙蓀能文尤工藻鑑金堂陳鈞未達時客其家乾隆九年省闈榜發告其僕曰汝往五人後可無闕也果以第三人領薦陳後成進士

丁文燦字翰儀邑人乾隆己丑進士歷官穎上亳州霍邱諸州縣所至以興學衛民爲任內擢後累轉至員外著有蓼蒲誦言餞言及游峩詩文集若干卷

羅楯字廷衛乾隆己卯舉人挑發河南任息縣丁憂歸服闋補寧陵令在任數年發奸摘伏吏畏民懷能聲大著聽訟尤不尙株累或詰之曰貧民日營升斗奈何累之以餓其妻子耶治近河素無水患忽修堤甚急人多笑之未幾河決水深丈餘始驚服城被水圍民多淹溺楯設法撈救全活甚衆又運送米石濟高

樂山縣志

卷十

宦業

八

阜匱乏之民開倉發粟施粥散金慈祥周徧嗣調辦河工所辦工段民踴躍赴工卽鄰封之民亦頌不絕口並樂勸其事時戶部尙書袁公守侗督辦河工見曰此循吏也非實心實政能如是乎陞南陽府同知因積勞成疾告歸旋卒

儒林

漢

謝褒南安人張鉗常師事之又同時有呂孟亦南安人不詳其事

唐

仲子陵嘉州人讀書峩眉山中尤精后蒼大小戴禮大歷中登第舉賢良方正歷官常侍典黔中選補乘傳還里里人榮之謂題橋負弩不如也仕終司門員外郎卒之日家無長物惟圖書及酒數斛而已當時言經學者咬助趙康陸質以春秋施士匄以詩子陵袁燹韋彤蒞以禮蔡廣成以易强蒙以論語名專門而士匄子陵尤勝

宋

樂山縣志

卷十

儒林

九

何熙志龍游人有文名紹興進士晁公武薦爲臺屬除御史臺檢法誥詞有蜀士秀雅之句

藺敏修龍游人幼穎悟博通羣書紹興中進士官至朝奉郎著論語解號中山先生

余爨字景瞻龍游人官戶部郎嘉定辛未使北賀生辰會金有蒙古之師不暇延使者爨至涿鹿而還著有使燕錄一卷

薛緩龍游人幼穎悟日誦萬言舉進士爲成都教授累遷秘書郎因廷對極言韓侂胄之奸坐劾去與魏了

翁講明易學著則書十卷了翁嘆服以爲不可及號符谿子諸經各有解緩初知漢源縣建玉淵書院講學卽今黎州

何友諒嘉州人博雅有才辯知忠州作白居易年譜一卷與陳傅良所作互證頗爲詳核蓋有慕乎樂天之爲人亦佳致也

明

高任說字汝霖嘉定州人少篤學性端重嘗銘其座右曰程明道坐如泥塑包孝肅笑比河清舉宏治進士歷

樂山縣志

卷十

儒林

十

知鎮江府政先惠愛陞浙江督學未任卒

張瑛字玉華州人才氣高邁內行醇謹治詩書二經善屬文工詩教授鄉里屏絕世事當道屢召之不應成化中州守魏瀚築堤捍江特爲著江城一頌然亦竟不見也

夏迪簡州人以選貢中崇禎壬午鄉試學行純粹隱居教授足不履公庭年八十不替所守士林重之

歐養直州人張賊據成都以爲記室賊奔川北挾之以行乘閒脫歸流寓丹稜所著有紀亂一書載賊事頗

詳今亡

國朝

冷然其先楚麻城人始遷蜀居洪雅再遷嘉定然少值兵荒轉徙流離卒不廢學工詩文尤精書翰後成康熙九年進士生平著述甚富惜多散佚其存者皆有佳致云

忠義

明

朱祚增嘉定州人崇禎進士官襄陽府推官李賊自成

樂山縣志

卷十

忠義

十

破襄陽不屈舉家死于難從弟祚遠時在署長髯玉立賊愛而生之大罵自刎死

李正紳州廩生甲申之變賊衆犯嘉被執逼降不從罵不絕口死之

羅國瓏州人崇禎十六年進士以御史巡按雲南獻賊餘孽孫可望等破曲靖獻方按部其地被執不屈攜至昆明自焚死

國朝

帥秉衡舊州人有異質年十二舉神童康熙壬子王新

城典試舉於鄉二十年吳逆迫以僞命不辱故新城有費貽合浦之譽吳逆平累官至馬湖府教授

鄭居廣字心遠州人與帥秉衡同舉孝廉阮亭丁東院詩所云鄭生卽其人也官湖南枝江縣多惠政會夏包子之亂城陷死之著有靜存集

孝友

明

蔡廉字永澄嘉定州人參政禎之子禎少登洪武進士與解縉友善廉二歲而孤弱冠以母老雅不欲應舉

樂山縣志

卷十

孝友

十三

州牧段鑑力勸之舉於鄉又不赴南宮逾三年以母命往成正統進士應郎官選疏乞教職就近侍養從之授井研教諭奉母之官朝夕具冠帶問起居卽盛夏不輟母病侍湯藥衣不解帶至取其中袴廁掄手滌之居母喪哀毀過禮熒熒骨立將葬會霖雨不止廉大慟籲天至日開霽事畢雨如故人以爲至孝所感累遷教授以祿不逮養竟投牒歸

王表州人少孤事母至孝母疾割股進輒愈正德中舉於鄉三赴禮闈皆中途返母九十卒悲哀逾情事聞

詔旌其宅

國朝

杜廷玉舊州人康熙中登賢書性孝友文行高卓曲成後學生平好義樂施州人慕之

阮鳴鸞字友桐邑人乾隆戊子孝廉官終越雋教授性孝事母貧不能肉養有猪肝莫辨悔攻書之句所著有方響皇華檀溝白水諸集

田九州邑武生田嘉玉之長子也性篤孝嘉玉卧病時九州年十六歲見醫藥罔效齋戒籲天割股以進父

樂山縣志

卷十

孝友

三

病尋愈

趙家魁邑人奉祖母至孝凡飲食衣服施予惠卹無不曲意承順祖母病篤魁號泣絕粒願以身代聞割股可以療病卽割以進隨啜而愈人以爲孝感所致云周奇發邑人性至孝父母有病侍奉湯藥衣不解帶目不交睫病者不食亦不食終日涕泣必愈乃已歷四十年如一族里之傲逆者皆化焉

文在鎬邑人天昭之子性至孝天昭病篤醫藥罔效在鎬密割股以進病尋愈

善行

國朝

李守仁邑人賦性仁厚平日以濟人爲念苦家貧無力因棄儒學醫能精其術遠近爭延之守仁以所得廣市藥材用濟貧乏活人甚夥至於拯饑寒惜孤寡尤竭力爲之雖日食不給不計也年七十卒至今人尙德之

隱逸

唐

樂山縣志

卷十

善行

隱逸

十四

唐求唐末嘉州人隱於味江山今隱居寺其故宅也求至性純慤篤好雅道放曠疎逸王建帥蜀召爲參議不就邦人謂之唐隱居每入市騎一青牛至暮曛酣而歸非其類不與之交或吟或咏有所得則撚稿爲丸納之大瓢二十餘年莫知其數贈送寄別之詩布於人口暮年因卧病索瓢致於江中曰斯文苟不沈沒於水後之人得者方知吾苦心耳漂至新渠口有識者曰唐山人詩瓢也探得之已遭漂潤損壞十得其二三凡三十餘篇行於世題處士隱居云數點石

泉雨一溪霜葉風贈行如上人云衲補雲千片香焚
篆一窠題青城山范賢觀云苔鋪翠點仙橋滑松織
香梢古道寒贈僧云雲間曉月應難染海上孤舟自
任風夫草澤間有隱逸得志者以經籍自娛詩酒怡
情不耀文采不揚姓名其趨附苟且得無愧赧唐山
人乎

宋

楊翬博學善屬文靖康中隱於嘉州西北山中所著有
碧雲亭記味其旨趣蓋亦殷時憂世壯心未已者今

樂山縣志

卷十

隱逸

十五

亭已傾跡尙存

李圃嘉州人淳熙中爲忠州別駕歸隱白茅山築秀發
齋清風高節人至今慕之

明

尹東郊字敬孚始爲滇人正統中父任榮縣令愛蜀中
山水遂籍於嘉東郊博學善爲詩郡守魏瀚甚禮重
之列其狀於朝將官之弗受人稱尹聘君云

梁應奇字平叔嘉定州人登崇禎進士爲江南宣城令
多惠政遭世亂避地牂牁不復出

仙釋

宋

祖覺姓楊嘉州人住峨眉山中巖倡明佛學學者雲集
儒釋之書無所不讀作僧史一百卷並華嚴經金剛
經集解行於世

別峯禪師龍游李氏子世居峨眉之麓密應禪師設法
於中峯道場別峯師事之密印以爲衣鉢一人後遍
參瀉山大慧諸長皆目擊契存屢主成都龍華京口
金山講席淳熙七年勅住徑山壽皇召入禁中引對

樂山縣志

卷十

仙釋

六

於選德殿十年二月光宗製圓覺經注成遣使勅賜
且命作序時已再被命開堂於靈隱山寧宗在東京
爲書別峯二大字榜其別築紹熙元年卒門人集其
語錄若干卷

元

千峯和尚姓李名宗岳元末爲獄吏過嘉州謂其人曰
爾等可去吾亦從此逝矣遂爲僧居凌雲寺寂滅後
其弟子卽遺蛻爲像祀儼然如生